



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Septimus. Quod licet sit difficile quod spiritualis regio, visus, & formationis industria in superficialem vacuitatem abeant, hoc tamen esse necessarium.

urn:nbn:de:hbz:466:1-9766

quidem omnia si debitè fiant, posset pia anima, postquam à summo contemplationis descenderit, per annum, & eo amplius, in spiritu satis bene versari, priusquam à fundi miseria ex toto includatur. & ne quis inutiliter contributetur, de quotidiano, ut videtur in spirituali vita retrogressu, consequenter iam dicitur;

Quod licet sit difficile, quod spiritualis Regio, visus, & formationis industria in superficialem vacuitatem abeant, hoc tamen esse necessarium.

ARTICVLVS SEPTIMVS.

Nisi ego aabiero, Paraclytus non veniet ad vos; si autem abiero, mittam eum ad vos. ac si diceret: ô pia anima, quæ non sine amaritudine cordis tui ingemiscis, quod interioritatis tuæ spiritualis illa regio, visus, industria formationis, & quidquid in præcedentibus agendi modis, ad præsentiam diuinam habendam adstabat, de die in diem magis magisq; euanescat, & quidnam modo agendum sit ignores: scias ve- lim, quod nisi Dominus abierit, & præcedentia auxilia, modosq; procedendi abstulerit, Paraclytum Spiritum S. etiam ad te non venturum, nec te ad pueræ spirituales operationes pertingere posse: omnia enim quæ tibi ablata conquereris, sunt sicut accidentia, quæ facile possunt abesse, & adesse, absque subiecti corruptione, & spiritualis progressu lassione. si itaque abierit, mittet

eum ad te, & si ita egeris, ac si nihil omnino usque in hanc horam ad intra occupata fuisses, & libenter obliuiscaris omnium præteriorum, te ipsam quoque vacuam, & nulla fruitione affectam acceperis; (sicut etiam realiter horum nihil amplius habes) tum demum te quasi omnino absolutam repries, & moderatè, silentiosè, ac obliqua, non autem anxia sollicitudine Dei recordationem assumere poteris; ac præterquam quod tempore suo gratia Spiritus sancti dignaberis, etiam modo eius solatium, & quod ad intra agas, inuenies; videlicet, superficialem, & vix leuiter afficiemt Dei præsentiam, quam etiam nullatenus vitaliter afficiemt appetere, multoq; minus proprio conatu formare debes.

Quapropter in quotidiana praxi, ad congruam dispositionem, pacificè tolerandum erit; quod spiritualis regio, visus, industria, & soliti sese adiuuandi modi, in superficialem vacuitatem abeant; dein pro actuali amoris visu contentari oportet, de Deo, eiusq; summo Bono, non plus sensibiliter affici, quam si de ligno, aut pariete cogitaret, & leui solummodo tendentia, & nuda memoria, cum Deo agendum erit: idque tam diu iteratis, & renouatis vicibus præstandum est, quo usq; ad fundum, seu cordis centrum, fortè b attractum sentire cogaris. & licet ex eiusmodi dispositione, & nuda, pacificaq; tolerantia, modicum deuotionis in sensibili affectu percipiatur; hoc tamen parui

a Ioan. 16. b inf. par. 3. art. 2.

partiū æstimandum est, cum ex nunc ad ardua procedendum sit, ac forti animo parturiendum, fructusque præcedentium fruitionum habitatum (per omnes status primæ partis) producendi, ac etiam naturæ vitiæ insolentia, gulaq; spiritualis appetitus debellandus sit. & quia hæc in praxi ardua sunt, & in interioribus exercitijs desolatus animus, facilè ad nocua dilabitur, utli admonitione opus erit, & consequenter dicendum,

Quod singulariter hoc loco cauenda sit immortificata libertas.

ARTICVLVS OCTAVVS.

Cur eduxisti nos de Ægypto, a ut moriemur in solitudine: deest panis, non sunt aquæ: anima nostra iam nauseat super cibo isto leuissimo. ac si diceret: O pia anima, quæ apud temetipam querulosa obloqueris, & dicis, ô utinam illa deuotione, qua vel adhuc sæcularis, & familiaritatis diuinæ præhabitæ ignara, ceu pane me confortante potiter; nunc autem nauseat anima mea super cibo isto leuissimo, & superficiali illa, nudaq; & vix leuiter afficiente Dei præsentia. Verùm ô pia anima caue reijcias, quod nondum satis agnoscis. panis enim iste angelicis manibus compositus est, & nihil usque ad eò ad spiritum, eiusque puras operatio-nes dedit, quam à crassitè, & quasi grosso pane sensibilis amoris absolui.

& quum tu (vti adhuc lac lugere assuetæ) ab eius dulcedine non nisi ægrè abstineas, caue diligenter, ad immortificatam libertatem, & ad ollas carnium, atque sæculi varios appetitus reuertatis. hic namque vèrus, & genuinus est locus respiciendi retrò, & à cœpto itinere deficiendi. pia namque anima quæ se suasque sensibiles, aut naturæ gratas se etatur vias, hucusque, seu quandiu aliquid diuini gustus ad proprium commodum exsugere potest, interiorem hominem vt cunque sequi assolet; verum ubi per singula in Christo luxurianta fuerit, & bonis eius, gratijs, ac amoriibus non in vitiæ naturæ subiugationem, & virtutis exercitium, sed in propriae sensualitatis commodum perfuita; ubi etiam ad ardua, scilicet vitorum, non talem, qualem, sed essentiam eradicacionem, & virtutum plantationem, ceu fructus producendos præhabitæ deuotionis peruentum fuerit; tanquam infidelis seruus, & planta radicem non habens, ad immortificationes, commoda carnis, honores, & sæculi voluptates pro posse, peius longè, maioriq; affectu, quam alias in sæculo constituta, reuertitur. idque vel maximè ea de causa, quod fundum, centrum, seu primæ dilectionis diuinæ principium, inordinate à Deo, vt summo Bono auersum, non serio per mortificationis, & virtutis studia constanter depuret: ex quo facillimè subsequi solet, vt ulterius ad modos operandi supernaturaliter, per hanc priuationem sele

a Nym. 21.